



جامعة تكنولوجى مارا
UNIVERSITI
TEKNOLOGI
MARA

TINTA

GLORIOUS EXPERIENCES

REDAKSI

Penerbit

Fakulti Pengurusan Maklumat
Universiti Teknologi MARA

Penaung

Prof. Madya Dr. Hj. Laili Hj. Hashim

Timbalan Dekan (Penyelidikan & Jaringan Industri)

Prof. Madya Dr. Mohd Sharif Mohd Saad

Pensyarah Penasihat

En. Mohd Zailan Endin
Dr. Wan Ab. Kadir Wan Dollah
En. Shaharom TM Sulaiman

Ketua Editor

Muhammad Fahmi Shamsi

Penolong Ketua Editor

Nurul Syuhaida Azmi

Setiausaha

Roziah Omar

Penolong Setiausaha

Siti Zuraizah Mat Napi

Grafik

Nurulhidayu Azmin

Editor

Aida Hafizza Sabtu
Azilah Zainal Abidin @ Ahmad
Hartini Jubidi
Khuzairiah Shaari
Nor Adilah Mohd Noor Aimi
Norhayatimah Jamil
Norsalwa Mat Isa
Noor Eliani Noor Rawi
Noor Faezah Hasan
Nurul Nabilah Ibrahim
Nurul Nadrah Abdul Kader
NurShahidah Mohamad Ali
Siti Hajar Mat Arsat
Siti Syazwana Che Said
Wan Nurul Hazira W Mahmood

Alamat Penerbit

Kampus Puncak Perdana,
40150 Shah Alam,
Selangor Darul Ehsan.
Tel: 03 7962 2013 / 2020
Faks: 03 7962 2007
<http://www.fpm.uitm.edu.my>

Dicetak oleh

Pusat Percetakan UiTM
Tel: 03 55444024
Faks: 03 55444023

ISSN 0127-5100

DARI EDITOR

Bil. 20/2011

"Ambillah waktu untuk berifkir, itu adalah sumber kekuatan. Ambillah waktu untuk bermain kerana itu adalah rahsia dari masa muda yang abadi. Ambillah waktu untuk berdoa, itu adalah sumber ketenangan dan ambillah waktu untuk belajar kerana itu adalah sumber kebijaksanaan".

Pepatah ini sering didengari dalam kehidupan kita dan dijadikan sebagai landasan untuk kita menuju ke puncak kejayaan. Untuk mencapai sesuatu kejayaan, jalan yang terpaksa dilalui penuh dengan onak dan liku. Semua orang yang berada di tangga teratas sekarang semestinya telah melalui detik kegagalan sebelum mereka dapat menghirup nafas lega dengan hasil yang mereka kecapai sekarang.

Pengalaman lalu banyak mengajar mereka erti kehidupan yang sebenar dan mereka boleh menyesuaikan diri mereka dalam semua keadaan kerana mereka telah memilih jalan yang susah terlebih dahulu sebelum mencapai kesenangan. Mereka telah gagal sekali dan tidak mungkin mereka ingin gagal lagi. Oleh yang demikian, mereka mengambil pengalaman sebagai petunjuk untuk membuat sesuatu keputusan di dalam dunia global kini. Negara Malaysia dahulunya yang berasaskan kepada pertanian kini bertukar menjadi perindustrian telah banyak merubah cara hidup masyarakatnya. Dengan adanya teknologi yang canggih, segala kerja dapat diselesaikan dengan cepat dan lebih berkualiti.

Selain itu, hubungan antara negara luar dapat dieratkan dengan jaringan komunikasi yang tiada sempadan. Semuanya hanya dihujung jari untuk mengakses maklumat dari dalam dan luar negara. Namun semakin canggih mana pun teknologi itu tidak bermakna tanpa pengetahuan dan pengalaman. Itulah yang dikatakan dengan "**Glorious from Experiences**".

Bahagian pertama keluaran kali ini memuatkan biografi tokoh-tokoh terpilih manakala bahagian kedua memuatkan artikel-artikel yang merupakan isu dalam bidang pengurusan maklumat.

Semoga penerbitan majalah ini akan memberi maklumat yang berguna dan juga semangat kepada sesiapa sahaja yang membacanya. Sudah semestinya sebagai golongan berpendidikan kita mahukan impak yang positif hasil dari majalah ini. Namun begitu hasil dari pengalaman dan cabaran yang telah ditunjukkan dalam majalah ini terpulang kepada individu atau masyarakat itu sendiri untuk mengambil ia sebagai pengajaran atau sebaliknya.

Sidang Editor ingin mengucapkan ribuan terima kasih kepada semua pihak yang telah bertungkus lumus menjayakan penerbitan ini. Selamat Membaca!

MAKLUMAN

TINTA adalah sebuah terbitan tahunan oleh para pelajar program *Bachelor of Science in Information Studies (Hons) @ IM 220* yang mengambil kursus *Publications and Production of Information Materials (IML 601)*. Skop rencana meliputi pelbagai isu dalam bidang pengurusan maklumat.

ISI KANDUNGAN

BAHAGIAN A

PROFESOR DATO' DR. HJ. RAJA ABDULLAH RAJA YAACOB.....1
oleh Muhamad Fahmi Shamsi & Nurul Syuhaida Azmi

PROF. MADYA FUZIAH MOHD. NADZAR.....5
oleh Aida Hafizza Sabtu & Nurul Nabilah Ibrahim

DR. WAN ALI WAN MAMAT.....18
oleh Azilah Zainal Abidin @ Ahmad & Norhayatimah Jamil

DATO' ZAWIAH BABA.....26
oleh Nor Adilah Mohd Noor Aimi & Khuzairiah Shaari

DATO' HAJI SIDEK HAJI JAMIL.....31
oleh Nurul Nadrah Abdul Kader, Nur Shahidah Mohamad Ali & Siti Hajar Mat Arsat

DATIN PADUKA SHAHANEEM HANOUM N. N. DADAMEAH.....43
oleh Noor Eliani Noor Rawi & Siti Syazwana Che Said

DATO' HUSSAMUDDIN YAACUB.....49
oleh Hartini Jubidi & Noor Faezah Hasan

DR. ZURINAH HASSAN.....53
oleh Norsalwa Mat Isa & Wan Nurul Hazira Wan Mahmood

BAHAGIAN B

**UNDERLYING RESEARCH PHILOSOPHICAL ORIENTATION IN SOCIAL SCIENCE
RESEARCH: POSITIVISM VS. INTERPRETIVISM.....59**
by Siti Arpah Noordin


PENGURUSAN KALBU PEMANGKIN PENGUKUHAN MODAL INSAN.....79
oleh Aliza Ismail & Zuraidi Zainol Abidin

PANDUAN MENGURUS RUANG PENYIMPANAN PUSAT REKOD.....87
oleh Hanis Diana Kamarudin, Jafalizan Md. Jail, Ahmad Azman Mohamad Ramli
& Nor Erlissa Abd. Aziz

**TUJUH SIKAP TERPUJI PEKERJA CEMERLANG: SATU PERBINCANGAN YANG
BERDASARKAN PENGALAMAN KERJA.....97**
oleh Ahmad Azman Mohamad Ramli

TRIP TO KARANGKRAF PUBLICATION.....108

A VISIT TO THE STAR INFORMATION CENTRE, PETALING JAYA (PPM JELAJAH DIGITAL SIRI 3).....	109
LAPORAN PROGRAM “KARNIVAL ILMU & MAKLUMAT 1MALAYSIA”.....	115



DATO' HUSSAMUDDIN YAACUB

oleh

Hartini Jubidi & Noor Faezah Hasan

Fakulti Pengurusan Maklumat
Universiti Teknologi MARA

Abstract

Dato' Hussamuddin bin Yaacub is a Managing Director for Kumpulan Karangkraf which is known as entrepreneur that success in control the publishing and printing sector in this country. Name of Kumpulan Karangkraf has been changed to the Kumpulan Media Karangkraf which has more desire to contribute larger and significant in the development of publishing and printing industry nationwide. Over three decades ago, this company began only with a book that title " Sorotan Sejarah Melayu ", writing by Johan Jaafar and followed by a weekly magazine for children. Now, Kumpulan Media Karangkraf published 28 magazines and one newspaper, Sinar Harian with eight edition of the state. Dato' Hussammudin bin Yaacub was still the most important person that has responsibilities to publish more variety types of printed materials. He also hopes that this opportunity can increase the number of readers in Malaysia.

Keywords

Hussamuddin Yaacub, Kumpulan Media Karangkraf, Karangkraf

Latar Belakang

Dato' Hussamuddin bin Yaacub merupakan Pengarah Urusan atau Ketua Pegawai Eksekutif Kumpulan Media Karangkraf yang dilahirkan pada 5 Disember 1954 di Kota Bharu, Kelantan. Beliau memulakan pendidikan awal di Kota Bharu, Kelantan dan kemudian memperolehi ijazah dalam bidang ekonomi dari Universiti Kebangsaan Malaysia pada tahun 1978. Pada tahun berikutnya beliau mengasaskan Karangkraf kerana minatnya yang mendalam dalam bidang perniagaan. Beliau juga merupakan pengasas kepada Yayasan Nur Karangkraf-Malaysia yang kini terlibat dalam bidang penerbitan majalah, buku, suratkhabar dan juga merupakan pencetak komersial terbesar melalui syarikatnya yang sekarang lebih dikenali sebagai Kumpulan Media Karangkraf.

Dato' Hussamuddin merupakan anak jati kelahiran Kota Bharu, Kelantan yang merupakan anak ke tujuh daripada lapan orang adik-beradik. Beliau bersekolah di Sultan Ismail Primary School pada peringkat sekolah rendah. Selepas itu, beliau menyambung pelajaran ke peringkat



sekolah menengah di Maktab Sultan Ismail. Beliau telah menamatkan pengajian pada peringkat ijazah Sarjana Muda Ekonomi dalam pengkhususan “Business Accounting”. Beliau mendirikan rumah tangga bersama Jamilah binti Yahya dan dianugerahkan enam orang cahaya mata iaitu dua orang perempuan dan empat orang lelaki hasil daripada perkongsian hidup beliau bersama isterinya yang berasal daripada Thailand tetapi dibesarkan di Singapura. Beliau seorang yang sangat bersahaja dan hobi beliau ialah membaca buku serta menghabiskan masa bersama keluarganya. Hubungan kekeluargaan antara beliau dengan anak-anak dan isterinya sangat rapat kerana beliau lebih gemar menghabiskan masa bersama mereka. Dato' Hussamuddin juga fasih berbahasa Inggeris dan pastinya juga fasih berbahasa Melayu. Mengikut kepada latar belakang beliau, dahulunya beliau bersekolah di sekolah rendah dan sekolah menengah yang menggunakan Bahasa Inggeris sebagai bahasa pengantar. Oleh kerana penerapan Bahasa Inggeris yang sangat tinggi, keadaan ini telah memberikan sedikit sebanyak kesan positif dalam kehidupan beliau.

Bakat dalam bidang perniagaan yang dimiliki oleh Dato' Hussamuddin sebenarnya telah lahir sejak beliau masih kecil lagi kerana pepatah ada mengatakan bahawa “kemana tidak tumpahnya kuah kalau tidak ke nasi.” Hal ini kerana, beliau telah mewarisi bakat bapanya yang dahulunya juga memiliki kedai buku. Beliau telah diberi pendedahan dalam bidang perniagaan semenjak berada di sekolah rendah lagi. Kemahiran dalam pengurusan kewangan memainkan peranan yang sangat penting agar dapat memastikan bahawa beliau benar-benar telah berjaya pada hari ini. Sejak dari kecil lagi beliau menguruskan kedai buku bapanya dan itu merupakan satu pendedahan yang baik untuk beliau mendalamai dunia perniagaan. Segalanya menjadi sangat teratur apabila beliau telah mengetahui selok belok perniagaan, jaringan perhubungan, stok dan sebagainya yang memberikan banyak kemahiran dan manfaat kepada beliau untuk menerajui perniagaannya sendiri.

Dato' Hussamuddin bermula dari bawah dengan perniagaan yang sederhana semasa di tahun akhir sewaktu beliau masih menuntut di Universiti Kebangsaan Malaysia (UKM). Beliau gemar mengembangkan perniagaan sekiranya mempunyai peluang kerana dari situ beliau dapat merasakan satu cabaran dan apa yang menarik perhatian apabila beliau sangat sukaan bentuk perniagaan yang berkembang secara perlahan-perlahan mengikut aturan yang tersendiri. Karangkraf menjadi lebih stabil ekoran daripada latar belakang beliau yang menuntut dalam bidang jurusan yang berkaitan serta pengalaman beliau sejak dari kecil lagi mengenali sektor perniagaan menerusi bapanya yang mengusahakan sebuah kedai buku.

Sumbangan

Dato' Hussamuddin telah banyak memberikan sumbangan kepada negara dalam bidang penerbitan kerana telah menyediakan bahan bacaan untuk semua peringkat usia dari kanak-kanak, orang dewasa hingga ke warga emas. Kumpulan Media Karangkraf telah meningkatkan minat membaca dalam kalangan orang Melayu. Kumpulan Media Karangkraf telah menerima pengiktirafan dari Malaysia Book of Records sebagai penerbit terbesar yang menerbitkan paling banyak majalah dalam Bahasa Melayu. Hal ini telah menunjukkan satu pencapaian yang sangat hebat bagi orang Melayu kerana berjaya menerajui perniagaan seumpama ini. Impak Kumpulan Media Karangkraf dalam dunia keusahawanan Melayu sangat ketara apabila dilihat dari segi pengiklanan. Ramai usahawan Melayu telah berjaya kerana majalah dan terbitan Kumpulan Media Karangkraf di bawah pengelolaan Dato' Hussamuddin bin Yaacub.

Budaya membaca dan cintakan ilmu menjadi teras kepada Kumpulan Media Karangkraf untuk menjadikan dunia penerbitan terus hidup. Dato' Hussamuddin sentiasa membuat kaji selidik agar permintaan terhadap penerbitannya sentiasa mendapat sambutan dan memenuhi kehendak pembaca. Setiap bulan, Kumpulan Buku Karangkraf telah berjaya menerbitkan 30 judul buku maklumat umum, buku motivasi, buku agama, buku resipi, buku kraf daripada pelbagai jenis lain dan terus mendapat sambutan. Melalui program usahasama dengan pihak korporat mahupun pihak kerajaan, pelbagai program membaca telah dijalankan dengan jayanya. Setiap minggu pelbagai aktiviti jualan di sekolah-sekolah, pusat pengajian tinggi, perpustakaan, pejabat dan juga kompleks perniagaan diadakan. Kumpulan Media Karangkraf di bawah Dato' Hussamuddin Yaacub telah menyumbangkan tidak kurang daripada 5,000 naskah bahan bacaan sebulan kepada pihak Non Government Organization (NGO). Setiap tahun Kumpulan Media Karangkraf turut terbabit secara aktif dalam menjayakan Pesta Buku Antarabangsa Kuala Lumpur dan juga pesta-pesta buku di peringkat negeri di Semenanjung, Sabah dan Sarawak.

Selain itu juga, Dato' Hussamuddin bin Yaacub telah menyumbangkan sebanyak RM3 juta setiap tahun bagi pembiayaan biasiswa kepada tiga buah pusat pengajian tinggi iaitu Universiti Industri Selangor (UniSEL), Universiti Tun Abdul Razak (UniRAZAK) dan Kolej Universiti SEGi. Pembiayaan ini telah memberikan kemudahan bagi para pelajar yang ingin meneruskan pengajian diperingkat lebih tinggi.

Penghargaan

Sebagai mengenang jasa-jasa baik Dato' Hussamuddin terhadap perkembangan dalam dunia penerbitan dan percetakan, beliau telah di anugerahkan dengan pelbagai anugerah sebagai penghargaan terhadap penglibatan beliau sejak dahulu lagi. Pada tahun 2005, Kumpulan Media Karangkraf telah di nobatkan sebagai Superbrand Status oleh Superbrands Malaysia. Sementara itu, pada tahun 2009, Dato'Hussamuddin telah di anugerahkan dengan "Certificate of Achievement SME Recognition Award." Selain itu, pada tahun 2010, Dato' Hussamuddin telah menerima anugerah Kluster Penerbitan dan Percetakan oleh Timbalan Perdana Menteri Malaysia, YAB Tan Sri Dato' Hj. Muhyiddin Hj. Mohd Yassin. Manakala, bagi Anugerah Buku Negara iaitu National Book Award 2010, Dato' Hussamuddin telah menerima anugerah Perdana Penerbit Negara di Hotel Royale Chulan Kuala Lumpur oleh Datin Paduka Seri Rosmah Mansor merangkap penaung bagi Anugerah Buku Negara 2010 .



LAPORAN PROGRAM

“KARNIVAL ILMU & MAKLUMAT 1MALAYSIA”

Pengenalan program

Program Karnival Ilmu dan Maklumat 1Malaysia dilaksanakan untuk memenuhi keperluan subjek “Public Relations In Information Works”(IML 553). Di samping itu juga ia diperkenalkan bagi melaksanakan tuntutan tanggungjawab mahasiswa dalam pembangunan masyarakat. Program ini dirangka dengan kerjasama erat di antara Perbadanan Perpustakaan Awam Negeri Sembilan, Jabatan-jabatan awam daerah Jelebu, Perpustakaan Negara Malaysia dan Arkib Negara Malaysia. Dengan berasialkan untuk membuka peluang penglibatan golongan muda mendampingi masyarakat melalui kegiatan kemasyarakatan, kekeluargaan, kejiran dan pendidikan dan membangunkan fungsi sosial masyarakat bagi mencapai kualiti peribadi unggul, Pelaksanaan program ini terbahagi kepada tiga elemen utama; Kepimpinan, Kesedaran dan Kerjasama.

Latarbelakang dan Objektif Program

- a) Menjayakan inisiatif *Vice Chancellor Special Project* (VCSP) di bawah kategori projek Kasih Sayang 1Malaysia untuk mendekatkan UiTM dengan masyarakat.
- b) Mempromosikan aktiviti membaca dan menekankan budaya ilmu kepada semua kaum khususnya sekitar Kuala Klawang dan masyarakat lain amnya.
- c) Menjalin dan mengeratkan hubungan silaturahim di antara mahasiswa UiTM dengan pelbagai kaum melalui aktiviti-aktiviti sesuai yang dirancang.
- d) Mempromosikan program-program yang ditawarkan oleh Fakulti Pengurusan Maklumat khasnya dan UiTM umumnya.

Sejumlah 10 buah sekolah telah mengambil bahagian dalam aktiviti yang dianjurkan di Karnival Ilmu dan Maklumat 1Malaysia dan pelajar kumpulan IS205B telah dipilih bagi melaksanakan program ini dengan kerjasama erat di antara Perbadanan Perpustakaan Awam Negeri Sembilan, Jabatan-jabatan awam daerah Jelebu, Perpustakaan Negara Malaysia dan Arkib Negara Malaysia. Program ini diadakan pada 8 hingga 10 Oktober 2010, seramai 40 orang

pelajar ini telah ditempatkan di Hotel Sri Klawang yang berdekatan dengan lokasi karnival bagi melancarkan program.

Aktiviti Program Yang Telah Dilaksanakan

Berikut adalah senarai aktiviti yang dijalankan sepanjang karnival (gambar-gambar dilampirkan)

Membuat persiapan di Dewan Majlis Daerah Jelebu

Aktiviti mengemas pentas, menyediakan tempat pameran, menyusun atur barang-barang yang akan digunakan sebelum dan selepas majlis perasmian dilakukan pada Jumaat, 8 Oktober 2010. Keesokan harinya penyediaan hamper untuk aktiviti dilakukan.

Majlis Perasmian

Majlis perasmian telah bermula sedikit lewat kerana masalah pengangkutan berikutan pergerakan bas UiTM menjemput pelajar-pelajar sekolah tidak sebagaimana dirancang. Namun situasi ini telah diatasi dengan segera. Bagaimanapun ia berjalan lancar sebagaimana dirancang. Kehadiran ketua-ketua kampung dan masyarakat telah menjadikan majlis ini lebih meriah.

Pameran

Pameran telah berlangsung dengan jayanya. Tetamu kehormat yang mewakili Penglibatan Arkib Negara Malaysia (ANM) dan Perpustakaan Negara Malaysia (PNM), Perbadanan Perpustakaan Awam Negeri Sembilan, pembekal buku dan pihak pengajur sendiri, Fakulti Pengurusan Maklumat adalah sangat menakjubkan. ANM telah menyediakan bahan pameran berskala besar dan sangat bermanfaat kepada pengunjung bagi memahami sejarah negara dan konsep 1Malaysia. PNM juga tidak kurang hebatnya dengan pameran dan pertandingan untuk pengunjung. PNM sentiasa berterusan menggalakkan percambahan budaya membaca dan kepentingan mengetahui maklumat untuk menjadi masyarakat berpengetahuan.

Aktiviti Mewarna

Aktiviti mewarna bagi kanak-kanak pra-sekolah dimulakan sebaik sahaja selesai majlis perasmian. Seramai 43 orang pelajar yang menyertai aktiviti mewarna dari 2 buah sekolah yang terlibat iaitu SJK(CP) Chun Yin dan SK. Undang Jelebu ,dan terdapat 2 buah sekolah yang tidak menghantar pelajar iaitu SK Triang dan SK.Kuala Klawang. Aktiviti ini juga terbuka kepada murid-murid dari sekolah rendah dari pelbagai sekolah dan SK Putra. Penyampaian

hadiah diadakan awal kerana guru dan pelajar SKJ(C) Chun Yin ingin pulang pada pukul 12 tengahari.

Aktiviti Pertunjukan Boneka

Pertunjukan boneka telah diadakan oleh kakitangan Perpustakaan Awam Jelebu. Seramai 43 orang kanak-kanak pra-sekolah dan 29 orang pelajar sekolah rendah yang terlibat menonton pertunjukan tersebut. Sebahagian kanak-kanak pra-sekolah telah dibawa pulang awal oleh ibu bapa mereka , maka sesi bercerita tidak dapat dijalankan. Sebaliknya telah digantikan dengan 2 aktiviti lain untuk pelajar sekolah rendah iaitu permainan 1 kertas dan air 4 penjuru. Kedua-dua permainan tersebut dijalankan bertujuan untuk memupuk semangat kerjasama dalam diri setiap individu dan mencapai kesepakatan dalam menyelesaikan masalah.

Ceramah Prospek Pengajian di IPT

Ceramah ini telah melibatkan 65 pelajar tingkatan 4 dan 5 dari 3 buah sekolah menengah; SMT Kuala Klawang, SMK Gelami dan SMK Dato' Undang Musa. Ceramah tersebut telah disampaikan oleh Dr. Azman bin Mat Isa, Timbalan Dekan (Pelajar & Alumni), Fakulti Pengurusan Maklumat. Ceramah ini bertujuan untuk memberikan suntikan motivasi kenapa pelajar perlu belajar dengan cemerlang untuk masa depan yang gemilang. Di samping itu juga pelajar dimaklumkan tentang syarat-syarat kelulusan yang diperlukan untuk meneruskan pengajian di peringkat pengajian tinggi. Ceramah ini juga turut memperkenalkan Fakulti Pengurusan Maklumat kepada para pelajar, sekaligus memberikan kata-kata perangsang kepada para pelajar agar terus berusaha dengan bersungguh-sungguh. Maklumbalas yang diterima membuktikan para pelajar sangat-sangat menghargai ceramah yang diberikan kerana ia telah menjadikan mereka lebih sedar tentang pentingnya untuk belajar dengan cemerlang bagi menjamin masa depan yang cerah.

Info Hunt

Info Hunt ada permainan seperti pencarian harta karun. Beza adalah peserta dikehendaki mencari maklumat berkaitan dengan konsep 1Malaysia. Sumber-sumber maklumat ini semuanya terdapat dalam perpustakaan. Ia telah dapat meningkatkan daya fikir dan kemahiran mencari maklumat di kalangan peserta. Permainan ini telah diadakan pada hari Sabtu petang di Perpustakaan Awam Jelebu. Ia disediakan untuk para pelajar yang menyertai ceramah prospek pengajian di IPT agar mereka lebih mengenali perpustakaan, cara pencarian buku dengan pantas dan menggunakan perpustakaan dengan sepenuhnya. Para pelajar dibahagikan kepada

10 kumpulan dan setiap kumpulan diberikan tugas dan petunjuk untuk mendapatkan maklumat-maklumat yang diperlukan, mereka juga diberikan telur sebagai barang amanah. Permainan ini berjalan seperti yang dirancang dengan kerjasama semua pihak bukan sahaja para pelajar sekolah menengah malah mahasiswa dan kakitangan perpustakaan yang terlibat juga turut memberikan kerjasama yang sewajarnya.

Senamrobik

Acara ini telah diadakan pada hari Ahad jam 8.45 pagi. Senamrobik yang diketuai oleh 5 orang mahasiswa. Bermula dengan senaman pemanasan badan, diikuti dengan aerobik, poco-poco dan ‘chicken dance’. Senamrobik yang mengambil masa kira-kira 30 minit ini telah disertai oleh semua peringkat usia termasuk kanak-kanak, pelajar sekolah rendah dan menengah dan ibu bapa serta guru-guru pengiring. Ia telah dapat menceriakan semua yang terlibat sebelum acara sukaneka dijalankan.

Bawa bola ping pong

Permainan ini dibuka kepada kanak-kanak pra-sekolah. Setiap sekolah menghantar 2 kumpulan dengan 5 orang peserta setiap kumpulan. Disebabkan penyertaan yang di luarjangkaan, permainan ini telah dilakukan secara berperingkat.

Isi air dalam botol

Pelajar yang terlibat adalah pelajar-pelajar sekolah rendah. Permainan ini berjalan lancar seperti yang dirancang. Acara telah berlangsung dengan meriahnya.

Boling padang

Permainan ini melibatkan pelajar-pelajar sekolah menengah. Peserta diberikan sebiji kelapa dan mereka hendaklah menjatuhkan sebanyak mungkin botol-botol yang berisi air dan tanah untuk memenangi pertandingan ini. Disebabkan sambutan yang sangat menggalakkan, maka permainan ini diadakan secara liga bagi membolehkan semua orang dapat mengambil bahagian dalam permainan ini.

Tarik bola dengan gelung

Peserta terdiri daripada kanak-kanak pra-sekolah. Permainan ini berjalan lancar walaupun terdapat beberapa guru pengiring yang sering membuat bantahan arahan urusetia kerana terlalu emosi walaupun permainan hanya untuk acara sukaneka sebegini.

Kerusi muzik

Peserta terdiri daripada pelajar-pelajar sekolah rendah. Permainan ini diadakan 2 kali kerana penyertaan yang terlalu ramai.

Tarik guni

Tarik guni digunakan sebagai pengganti kepada tarik upih. Peserta terdiri daripada pelajar sekolah menengah. Aktiviti ini berjalan lancar dan sangat meriah.

Cari gula-gula dalam tepung

Peserta terdiri daripada kanak-kanak pra-sekolah. Permainan ini berjalan lancar walaupun terdapat sedikit campur tangan daripada guru-guru tadika. Semua peserta sangat gembira dengan pertandingan ini.

Belon air

Peserta terdiri daripada golongan dewasa iaitu pelajar-pelajar sekolah menengah dan golongan-golongan ibu.

Selipar tempurung

Peserta terdiri daripada pelajar sekolah rendah. Aktiviti ini berjalan lancar. Permainan tradisional ini memberikan pengalaman baru bagi peserta dari pelbagai bangsa.

Tarik tali

Acara ini terdiri daripada pelajar-pelajar sekolah menengah dan ibu bapa yang hadir. Pertandingan dijalankan secara liga. Ianya sangat meriah dan berlangsung dalam suasana penuh semangat kesukunan.

Menganyam ketupat

Acara ini terbuka kepada semua pengunjung karnival dan telah berjalan lancar. Ramai peserta daripada peringkat pelajar sekolah, mahasiswa dan dewasa termasuk guru pengiring dan ibubapa.

Gotong-royong

Gotong-royong membersihkan padang telah diadakan bertujuan untuk memupuk disiplin menjaga kebersihan dan rasa tanggungjawab terhadap alam sekitar. Kanak seawal umur pra-sekolah bersama-sama dengan semua yang terlibat tanpa mengira letih telah membersihkan padang seperti sebelumnya dalam masa yang sangat singkat. Ini sangat menakjubkan.

Penilaian Program

Secara keseluruhannya Karnival Ilmu dan Maklumat 1Malaysia ini telah berlangsung dengan jayanya. Komitmen semua pihak yang terlibat amat menakjubkan terutamanya Perbadanan Perpustakaan Awam Negeri Sembilan, Pejabat Pendidikan Daerah Jempol/Jelebu, Jabatan Penerangan Daerah, Majlis Daerah Jelebu, Pejabat Daerah Jelebu. Para peserta juga telah memberikan komitmen yang tinggi dalam program ini dan para pelajar sekolah turut memberikan kerjasama dalam memastikan program ini berjalan dengan lancar.

Pencapaian dan Keberkesanan Program

Pelaksanaan Karnival Ilmu dan Maklumat 1Malaysia telah memperlihatkan semangat kerjasama dan tolak-ansur yang tinggi yang ditunjukkan oleh semua pihak yang terlibat dan peserta karnival ini. Para peserta ceramah motivasi dan prospek pengajian di IPT telah memberikan maklum balas positif di atas maklumat dan nasihat yang telah diberikan. Mereka kini Nampak laluan yang lebih jelas untuk masa depan yang lebih gemilang.

Semangat perpaduan dan bekerjasama seperti kehendak konsep 1Malaysia dapat dilihat dengan jelas sepanjang 2 hari karnival berlangsung, terutamanya pada hari kedua. Penglibatan kelompok sasaran adalah di luar jangkaan. Penyertaan daripada semua bangsa termasuk anak-anak dari masyarakat orang Asli telah memenuhi objektif karnival iaitu penglibatan semua bangsa dalam masyarakat di daerah Jelebu.

Bagi para mahasiswa yang mengendalikan karnival ini, mereka dapat belajar dan meningkatkan kemahiran komunikasi dengan masyarakat yang berbeza latar belakang dan usia. Pengalaman